



Pego ya Bobegadikgang

**Komiti ya Banka ya Botswana e e laolang Merokotso ya kadimo ya Madi (MPC) e
kopane**

Ka di 5 Morule 2024

Mo bokopanong jwa Morule a tlhola malatsi a le matlhano (5), Komiti ya Banka ya Botswana e e laolang merokotso ya kadimo ya madi e tsere tshwetso ya go tlogela seelo sa morokotso se sa fetoga mo go 1.9%. Godimo ga moo, Komiti e ne ya fokotsa seelo sa madi a dibanka di laolelwang go a baya mo Bank of Botswana (Primary Reserve Requirement) go laola bokete jwa madi mo itsholelong go tswa ko go 2.5% go ya ko go 0%.

Komiti e kopana mo seemong se itsholelo e tsweletseng ka go sa dira sentle. Se se dirwa ke kwelo tlase ya mmaraka wa ditswammung, bogolo jang diteemane le go tlhoka go atlega mo mehameng e mengwe ya itsholelo ntswa go na le maiteko a go e tsosolosa ka mananeo a a farologanyeng.

Komiti e solofela gore kgolo ya ditlhwatlhwa e tla tswelela ele mo seelong se se beilweng sa 3% go ya kwa go 6% go ya pele.

Le fa go ntse jalo, mabaka a a latelang a ka dira gore kgolo ya ditlhwatlhwa e fokotsege:

- i. go sa dira sentle ga itsholelo ya mono gae le ya mafatshe;
- ii. seemo sa letseno le le ko tlase la madi a puso; le
- iii. kgolo e ko tlase ya ditlhwatlhwa tsa leokwane mo mebarakeng ya mafatshefatshe.

Dintlha tse di latelang di ka dira gore kgolo ya ditlhwatlhwa e oketsege:

- i. kgolo ya ditlhwatlhwa tsa dijo le leokwane mo mebarakeng ya mafatshe go fetisa ka fa go akanyeditsweng ka teng;
- ii. tlhalelo ya dithoto mo mebarakeng ya mafatshe; ga mmogo le
- iii. kgotlhakgotlhano ya mafatshe mo go tsa sepolotiki, itsholelo le papadisanyo.

Mo gae, phetogo ya ditlhwatlhwa tse di laolwang ke Puso (administered prices) e ka fetola tebelopele ya kgolo ya ditlhwatlhwa.

Ka tebelopele ya gore kgolo ya ditlhwatlhwa e tla a tswelela e le kwa tlase, MPC e tsere tshwetso ya go sa fetola morokotso wa 1.9%. Le fa go ntse jalo, Komiti e tsere tshwetso ya go fokotsa seelo sa madi a dibanka di laolelwang go a baya mo Bank of Botswana go laola bokete jwa madi mo itsholelong go tswa ko go 2.5% go ya ko go 0%, go tswa Morule a le lesome le bongwe monongwaga. Tsholofelo ke gore se se tla a dira gore seemo sa merokotso se se ko tlase se atlege mo go tsosoloseng itsholelo. Komiti e tla tswelela e ntse e beile kgolo ya ditlhwatlhwa mo gae leitho go tsaya ditshwetso tse di maleba jaaka gale.